

UGOVOR O JAVNOJ NABAVCI – RADOVI

Ugovorne strane:

1. **KJKP "Vodovod i kanalizacija" d.o.o. Sarajevo**, ul. Jaroslava Černija br. 8., Sarajevo, koje zastupa direktor Nezir Hadžić, Magistar uprave (u daljem tekstu: **Naručilac radova**), i
2. **"MIBO Komunikacije" d.o.o. Sarajevo**, ul. Tvornička br. 3., Sarajevo, koga zastupa direktor Marko Boštjančič (u daljem tekstu: **Izvođač radova**).

Član 1.

Predmet ovog ugovora je izvođenje radova: „**Uvezivanje novih bunara u postojeći telemetrijski sistem Vodovoda**“ a sve prema tenderskoj dokumentaciji broj: 53/17 i usvojenoj ponudi broj: PON-1139/17 od 12.07.2017.godine, a koji su sastavni dijelovi ovog ugovora.

Član 2.

Ugovorena vrijednost radova navedenih u članu 1. je fiksna.

Ukupna vrijednost radova bez uključenog PDV-a, iznosi: **72.452,00 KM** (slovima: sedamdestdvijehiljadečetiristotinepedesetdvije i 00/100 KM).
Ukupna vrijednost radova sa uključenim PDV-om iznosi: **84.768,84 KM** (slovima: osamdesetčetirihiljadesedamstotinašezdesetosam i 84/100).

Ugovorena cijena je fiksna i ne podliježe bilo kojim izmjenama.

Član 3.

Obaveze Naručioca radova:

- da zahtjeva od Izvođača radova da radove izvede prema tenderskoj dokumentaciji,
- da prije početka izvođenja radova obavijesti Izvođača o licu kojem je povjereno vršenje nadzora nad izvođenjem radova,
- da izvrši plaćanje u skladu sa odredbama ovog ugovora,
- organizovati primopredaju izvedenih radova od strane izvođača radova.

Član 4.

Obaveze Izvođača radova:

- da prije početka izvođenja radova pismeno obavijesti Naručioca radova o licu koje je odredio za rukovodioca radova.
- da sve radove iz člana 1. ovog ugovora izvede u skladu sa uslovima propisanim u tenderskoj dokumentaciji na osnovu koje je prihvaćena ponuda,
- da upotrebljava materijal i opremu koji odgovaraju tenderskoj dokumentaciji i prihvaćenoj ponudi,
- izvesti radove na način, u rokovima i po cijeni određenim ugovorom,
- osigurati potpunu primjenu svih zakonskim mjera i sredstava zaštite na radu,

- postaviti znakove upozorenja i opasnosti u svrhu sprječavanja bilo kakvih nezgoda na gradilištu, odnosno sprečavanja nekontroliranog pristupa ljudi na gradilištu,
- osigurati i kontrolirati korištenje osobnih zaštitnih sredstava i zaštitnih naprava,
- pridržavati se propisanih mjera pri upotrebi opasnih oruđa i tvari,
- obezbjedi sve ateste, nacрте ili odgovarajuće prospekte i upute o rukovanju i održavanju za sve materijale i opremu,
- da vodi urednu i detaljnu evidenciju o napredovanju radova, sve u skladu sa propisima.

Član 5.

Način i uslovi plaćanja su: u roku od **60 dana** od dana ispostavljanja fakture, na transakcijski račun Prodavca broj: **1401020011330457 kod SBERBANK.**

Član 6.

Izvođač radova će predmetne radove **izvesti u roku od 75 dana od dana uvođenja u posao.**

Član 7.

Naručilac radova može odobriti produženje roka za izvođenje radova u slijedećim slučajevima:

- kada Naručilac radova izda zahtjev za obustavljanje ili usporavanje radova u cjelini ili djelimično,
- prirodne pojave kao što su zemljotresi, klizišta, poplave ili izuzetno nepovoljni vremenski uslovi koji sprečavaju izvođenje radova (viša sila).

Član 8.

Za eventualno produženje ugovorenog roka izvođenja radova, koji nije na traženje Naručioca radova, Izvođač radova je dužan podnijeti pismeni zahtjev Naručiocu radova u kojem će navesti razloge za produženje kao i vrijeme produženja.

Član 9.

U slučaju kašnjenja u izvođenju radova, do kojeg je došlo krivicom Izvođača radova, isti će platiti ugovornu kaznu u skladu sa Zakonom o obligacionim odnosima u iznosu od 1% naručenih radova, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti radova koja je predmet narudžbe. Izvođač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od Naručioca radova.

Član 10.

Izvođač radova će biti oslobođen plaćanja ugovorene kazne ako je do neispunjenja ili neurednog ispunjenja ugovorne obaveze došlo zbog uzroka za koje on nije odgovoran.

Član 11.

Izvođač će garantovati da su izvedeni radovi i oprema u vrijeme primopredaje u skladu sa ugovorom, propisima i pravilima struke i da nemaju mana koje onemogućavaju ili umanjuju njegovu vrijednost ili njegovu podobnost za redovnu upotrebu.

Izvođač radova daje garanciju na opremu u trajanju od 12 mjeseci. Izvođač radova se obavezuje da će obezbjediti rezervne dijelove za telemetrijsku opremu za period od minimalno 7 godina.

Nadzorni inženjer, će izdati, na osnovu pisanog zahtjeva Izvođača i nakon što potvrdi da su radovi završeni, potvrdu o završetku radova.

Član 12.

Nedostatke na izvršenim radovima i isporučenoj opremi koji se pojave u garantnom roku, Izvođač radova je obavezan otkloniti u roku koji odredi Naručilac radova. Ukoliko Izvođač radova ne postupi po zahtjevu, Naručilac radova ima pravo da na račun Izvođača radova otkloniti nedostatke angažovanjem drugog Izvođača. Izvođač radova je dužan da Naručiocu radova nadoknadi stvarnu štetu nastalu zbog otklanjanja nedostataka drugog Izvođača.

Član 13.

Gubitak ili oštećenje na radovima ili materijalima koji ulaze u radove između **datuma početka i kraja perioda odgovornosti za nedostatke** popravljaju se od strane i o trošku Izvođača radova, ukoliko gubitak ili oštećenje proizlaze iz djelovanja ili propusta Izvođača radova.

Član 14.

Na sve odnose i institute koji nisu regulisani ovim ugovorom, primjenjivaće se odgovarajuće odredbe Zakona o obligacionim odnosima, a eventualni sporovi rješavat će se sporazumno. Ukoliko sporazumno rješenje nije moguće, nadležan je sud u Sarajevu.

Član 15.

Sve izmjene i dopune ovog ugovora mogu se vršiti isključivo i samo uz pismenu saglasnost ugovornih strana.

Član 16.

Izvođač radova nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 17.

Naručilac radova može pisanim obavještenjem poslatom Izvođaču radova, navodeći pri tom dan stupanja na snagu raskida ugovora, raskinuti ugovor u sljedećim slučajevima:

- ukoliko Izvođač radova ne izvrši radove u vremenskom periodu određenom u ugovoru;
- ukoliko Izvođač radova propusti da izvrši sve druge obaveze prema ugovoru koje bitno mogu djelovati na rad Naručioca radova;
- ukoliko Izvođač radova bankrotira ili je insolventan na drugi način, pod uslovom da takvo raskidanje ne oštećuje ili ne djeluje na bilo kakvu obavezu koju Izvođač radova ima prema Naručiocu radova.

Izvođač radova, može takođe pismenim putem raskinuti ovaj ugovor, u slučaju da Naručilac radova ne ispuni obavezu plaćanja, kako je definisano u članu 5. ovog ugovora.

Član 18.

Ugovor stupa na snagu kada ga potpišu obje ugovorne strane a zaključuje se na period od 12 mjeseci od dana potpisivanja istog.

Ugovor je sačinjen u 6 (šest) istovjetnih primjeraka od kojih po 3 (tri) primjerka zadržava svaka ugovorna strana.

Sastavni dio ovog ugovora je:

- Tenderska dokumentacija br. 53/17
- Usvojena ponuda br. PON-1139/17 od 12.07.2017.godine

Za Izvođača radova:


Direktor

Marko Boštjančič



Za Naručioca radova:

**v.d. Izvršni direktor
za vodovodni sistem**


Kenan Đipa, dipl.ing.el.



Direktor

Nezir Hadžić, Magistar uprave

Broj: 198-14

Datum: 22-08-2017

Broj: 397/17

Datum: 15.08.2017